

EES-STOFNANIR

SAMEIGINLEGA EES-NEFNDIN

FRAMSELD REGLUGERÐ FRAMKVÆMDASTJÓRNARINNAR
(ESB) 2021/1383

2023/EES/30/01

frá 15. júní 2021

um breytingu á framseldri reglugerð (ESB) 2018/990 að því er varðar kröfur fyrir eignir
sem peningamarkaðssjóðir taka við sem hluta af endurhverfri verðbréfasölu (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2017/1131 frá 14. júní 2017 um peningamarkaðssjóði ⁽¹⁾, einkum
7. mgr. 15. gr.,

og að teknu tilliti til eftirfarandi:

- 1) Í samræmi við 2. gr. framseldrar reglugerðar framkvæmdastjórnarinnar (ESB) 2018/990 ⁽²⁾ falla hæfar fjárfestingar í endurhverfri verðbréfasölu, sem rekstraraðilar peningamarkaðssjóða gera, undir eigindlegar og meginlegar kröfur til viðbótar, þar með talið sérstaka aðlögun á virði eignar (frádrag). Þessar kröfur gilda þó ekki um viðskipti sem gerð eru við lánastofnanir, verðbréfafyrirtæki og váttryggingafélög sem hafa staðfestu í Sambandinu eða falla undir jafngildisákvörðun. Ákvæði a-, b- og c-liðar 6. mgr. 2. gr. framseldrar reglugerðar (ESB) 2018/990 tilgreina viðkomandi regluramma fyrir sérhverja af þessum fjármálastofnunum.
- 2) Til að tryggja að þessar undanþágur gildi aðeins þegar jafngildisákvörðanir hafa verið teknar að því er varðar þau þriðju lönd sem um er að ræða og til að tryggja réttaröryggi með tilliti til gildandi jafngildisákvörðunar er nauðsynlegt að tilgreina viðeigandi ákvæði sem liggja skulu til grundvallar jafngildisákvörðunum sem skulu samþykktar til að þessar undanþágur taki gildi. Því er nauðsynlegt að tilgreina viðkomandi verklagsreglur til að ákvarða jafngildi þess þriðja lands þar sem þessir aðilar hafa staðfestu.
- 3) Því ætti að breyta framseldri reglugerð (ESB) 2018/990 til samræmis við það.

SAMÞYKKT REGLUGERÐ ÞESSA:

1. gr.

1. Í stað a-, b- og c-liðar 6. mgr. 2. gr. framseldrar reglugerðar (ESB) 2018/990 kemur eftirfarandi:

„a) lánastofnun sem lýtur eftirliti samkvæmt tilskipun Evrópuþingsins og ráðsins 2013/36/ESB (*), eða lánastofnun með starfsleyfi í þriðja landi sem jafngildisákvörðun hefur verið samþykkt fyrir í samræmi við 7. mgr. 114. gr. reglugerðar (ESB) nr. 575/2013,

(*) Þessi ESB-gerð birtist í Stjtið. ESB L 298, 23.8.2021, bls. 1. Hennar var getið í ákvörðun sameiginlegru EES-nefndarinnar nr. 150/2022 frá 29. apríl 2022 um breytingu á IX. viðauka (Fjármálaþjónusta) við EES-samninginn, sjá EES-viðbæti við Stjórnartíðindi Evrópusambandsins nr. 61, 22.9.2022, bls. 109.

⁽¹⁾ Stjtið. ESB L 169, 30.6.2017, bls. 8.

⁽²⁾ Framseld reglugerð framkvæmdastjórnarinnar (ESB) 2018/990 frá 10. apríl 2018 um breytingu á og viðbætur við reglugerð Evrópuþingsins og ráðsins (ESB) 2017/1131 að því er varðar einfalda, gagnsæja og staðlaða verðbréfun (STS-verðbréfun) og eignatryggð skammtímabréf, kröfur um eignir sem mótteknar eru sem hluti af endurhverfri verðbréfasölu og aðferðafræði við lánshæfismat (Stjtið. ESB L 177, 13.7.2018, bls. 1).

- (b) verðbréfafyrirtæki sem lýtur eftirliti samkvæmt tilskipun Evrópuþingsins og ráðsins 2014/65/ESB (**) eða verðbréfafyrirtæki með starfsleyfi í þriðja landi sem jafngildisákvörðun hefur verið samþykkt fyrir í samræmi við 47. gr. reglugerðar (ESB) nr. 600/2014,
- c) váttryggingafélag sem lýtur eftirliti samkvæmt tilskipun Evrópuþingsins og ráðsins 2009/138/ESB (***) eða váttryggingafélag með starfsleyfi í þriðja landi sem jafngildisákvörðun hefur verið samþykkt fyrir í samræmi við 260. gr. þeirrar tilskipunar.

-
- (*) Tilskipun Evrópuþingsins og ráðsins 2013/36/ESB frá 26. júní 2013 um aðgang að starfsemi lánastofnana og varfærnis-eftirlit með lánastofnunum og verðbréfafyrirtækjum, um breytingu á tilskipun 2002/87/EB og um niðurfellingu á tilskipunum 2006/48/EB og 2006/49/EB (Stjtið. ESB L 176, 27.6.2013, bls. 338).
 - (**) Tilskipun Evrópuþingsins og ráðsins 2014/65/ESB frá 15. maí 2014 um markaði fyrir fjármálagerninga og um breytingu á tilskipun 2002/92/EB og tilskipun 2011/61/ESB (Stjtið. ESB L 173, 12.6.2014, bls. 349).
 - (***) Tilskipun Evrópuþingsins og ráðsins 2009/138/EB frá 25. nóvember 2009 um stofnun og rekstur fyrirtækja á sviði váttrygginga og endurtrygginga (Gjaldþolsáætlun II) (Stjtið. ESB L 335, 17.12.2009, bls. 1).“

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 15. júní 2021.

Fyrir hönd framkvæmdastjórnarinnar,

Ursula VON DER LEYEN

forseti.
